

## Հ Ա Շ Վ Ե Տ Վ ՈՒ Թ Յ ՈՒ Ն

### ՀՀ Վայոց ձորի մարզում 2022 թվականի 1-ին կիսամյակում քաղաքաշինության բնագավառում կատարված աշխատանքների վերաբերյալ

1. Հայաստանի տարածքային զարգացման հիմնադրամի պատվիրատվությամբ և Ասիական բանկի կողմից տրամադրված վարկային միջոցներով «Սեյսմիկ անվտանգության բարելավման ծրագրով» կառուցվում է Եղեգնաձորի թիվ 1 հիմնական դպրոցի նոր շենքը: Պայմանագրային գումարը կազմում է 1.228 մլն. դրամ: 2022 թվականի 1-ին կիսամյակում իրականացվել են 208.4 մլն. դրամի շինարարական աշխատանքներ:

2. Առողջապահական ծրագրերի իրականացման գրասենյակ-պետական հիմնարկի պատվիրատվությամբ համաշխարհային բանկի կողմից ֆինանսավորվող «Հիվանդությունների կանխարգելումն վերահսկում» վարկային 5222-ԱՄ ծրագրի շրջանակներում Եղեգնաձոր համայնքում կառուցվում է հիվանդանոցի նոր շենք, որի պայմանագրային գումարը կազմում է 1962.0 մլն. դրամ: Կատարվել է 560.0 մլն. դրամի շինարարական աշխատանքներ:

3. «Վեոլիա Ջուր» ՓԲԸ-ի միջոցներով իրականացվում է Միկոյան և Մոմիկի փողոցների ջրամատակարարման բարելավման աշխատանքներ: Ընդ.՝ 30.960 մլն. դրամ: 1-ին կիսամյակում կատարվել 4.75 մլն. դրամ:

4. «Ջիէջէմ-ԱՐՄԵՆԻԱ» զարգացման հիմնադրամի կողմից իրականացվում է Վայոց ձորի Արենի համայնքի մանկապարտեզի կառուցման աշխատանքներ: Ընդ. գումարը՝ 577.160 մլն. դրամ: Աշխատանքները մեկնարկված են. իրականացվում են տարածքի հարթեցման և պարսպապատման աշխատանքներ: Ընդ.՝ 3.0 մլն. դրամ:

5. ՀՀ Կրթության, գիտության, մշակույթի և սպորտի նախարարության պատվիրատվությամբ ՀՀ քաղաքաշինության կոմիտեի ԾԻԳ-ի կողմից կառուցվում է մարզում մոդուլային 3 նոր դպրոցներ՝

ա) Եղեգիս բնակավայրի միջնակարգ դպրոցի նոր շենքի կառուցում: Նախահաշվային արժեքը կազմում է 706.0 մլն. դրամ: 2022 թվականի 1-ին կիսամյակում կատարվել է 60.0 մլն. դրամի շինարարական աշխատանքներ:

բ) Զիվա բնակավայրի նոր դպրոցի կառուցման նախահաշվային արժեքը կազմում է 713.1 մլն. դրամ: 2022 թվականի 1-ին կիսամյակում կատարվել է 70.0 մլն. դրամի աշխատանքներ:

գ) Գոմք բնակավայրի նոր դպրոցի կառուցման նախահաշվային արժեքը կազմում է 652.7 մլն. դրամ: 2022 թվականի 1-ին կիսամյակում կատարվել է 174.0 մլն. աշխատանքներ:

Համայնքային բյուջեների միջոցներով կատարվել է 54.82 մլն. դրամի աշխատանքներ: Մարզում կատարվել են ընդամենը 1134,97 մլն. դրամի շինարարական աշխատանքներ:

2021 թ. սուբվենցիոն 11 ծրագրերով նախատեսված աշխատանքներն ավարտվել են 2022 թվականի 1-ին կիսամյակում:

### **Ջրամատակարարման, ջրահեռացման և կոմունալ տնտեսության բնագավառ**

«Վեոլիա Ջուր» ՓԲԸ-ի կողմից սպասարկվում է թվով 7 ջրամատակարարման համակարգեր:

Ընկերության բաժանորդների թիվը 9580 է, որից 768-ը իրավաբանական կազմակերպություններ: 2021 թ-ի համեմատ բաժանորդների թիվը 2022 թ-ի 1-ին կիսամյակում ավելացել է 216 բաժանորդով, որից 7-ը իրավաբանական կազմակերպություններ:

Մարզի մյուս բնակավայրեր ջրամատակարարման համակարգերը շահագործվում են համայնքապետարանների կողմից:

#### **Վայոց ձորի մարզի 5 համայնքների 44 բնակավայրերից գազաֆիկացված է 17 բնակավայր:**

Այս բնագավառում առաջնահերթությունը մնում է չգազաֆիկացված բնակավայրերի գազաֆիկացումը: Միաժամանակ աշխատանքներ են տարվում ազգաբնակչության հետ այլընտրանքային էներգետիկ համակարգերից օգտվելու համար:

Մարզում «Գազպրոմ Արմենիա» ՓԲԸ-ի բաժանորդների թիվը 8975 է, որից 4417-ը բազմաբնակարան շենքերի բնակարաններն են, 4282 անհատական տներ և 276 իրավաբանական կազմակերպություններ: 2022 թվականի 1-ին կիսամյակի ընթացքում տեղադրվել է 51 անվտանգության ազդանշանային սարքեր:

Հաշվետու տարում բնական գազի շահագործման ընթացքում արտակարգ դեպքեր չեն արձանագրվել:

### **Ճարտարապետության բնագավառ**

Հաշվետու ժամանակահատվածի ընթացքում քաղաքաշինության վարչության կողմից ուսումնասիրվել և լիազոր մարմին է ուղարկվել քաղաքաշինական գործունեության հատուկ կարգավորման գոտիներում նախագծման թույլտվություն պահանջող համայնքի ղեկավարների կողմից ներկայացված քաղաքաշինական փաստաթղթերի փաթեթներ: Ուսումնասիրման փուլում մերժվել և լրամշակման է բերադարձվել 2 փաթեթ:

Կատարվել է բնակավայրերում հողի նպատակային նշանակության փոփոխության աշխատանքներ: Քաղաքաշինության վարչությունը նշված ժամկետում համայնքներից ստացել է հողամասի գործառնական նշանակության փոփոխության առաջարկներ, որոնք ուսումնասիրվել է տեղում և տրվել համապատասխան կարծիք:

ՀՀ քաղաքաշինության կոմիտեի գրության համաձայն համայնքներին է տրամադրվել „Հայնախագիծ“ կազմակերպության կողմից մշակված միկրոռեգիոնալ մակարդակի տարածական պլանավորման փաստաթղթերի վերջնական մշակված տարբերակները՝ էլեկտրոնային և թղթային տարբերակով:

Ի կատարումն ՀՀ կառավարության 2006թ. թիվ 346-ն որոշման վարչության կողմից համակարգվել են որոշման հավելվածներում առկա պետական գույքի գրանցման և կոմիտեին հանձնելու աշխատանքները: «Արփա-Սևան» ԲԲԸ-ի գույքը ՀՀ-ին նվիրատվություն տալու գործընթացում կատարվել է կազմակերպչական աշխատանքներ:

Աշխատանքներ է կատարվել համայնքներում կադաստրային հասցեների ճշտման բնագավառում: Համակարգվել է Եղեգիս համայնքում մոդուլային մանկապարտեզի հողհատկացման գործընթացը:

Հաշվետու ժամանակահատվածում քաղաքաշինության վարչությունը համայնքներից ստացել է 113 շինթույլտվություններ, որոնք հաշվառել են և ամսական կտրվածքով հաշվետվություն է ներկայացվել ՀՀ ՏԿԵՆ:

**Քաղաքաշինության վարչության պետ՝ Ա. Հախնազարյան**

**19.07.2022թ.**